

# ILISIMATITSISSUT

## Kalaallit Nunaanni ilinniarfeqarfinnut tamanut

- ajunaarnersuaqartillugu ajornartoortoqartilluguluunniit

Ajornartoortoqartillugu pinasuartumik ajornartoormik iliuuseqarfiginninnissaq pillugu ilinniarfeqarfinnit arlaleriarluta apeqquteqarfigineqareersugullu, Qinggornerup sinaakkutai erseqqissartariaqalerpavut.

Qinggorneq tassaavoq Kalaallit Nunaanni ilinniartunut tamanut neqeroorut, tassani ilinniartut ilinniagaqarnissamullu qinnuteqartut ataasiakkaatut katsorsarneqarnissamik neqeroorfigineqartarlutik. Utaqqisut allattorsimaffianniittut malillugit katsorsaasartut katsorsaanermik aallartitsisarput, utaqqisullu allattorsimaffiat ilinniartunit qaangiinnarneqarsinnaangilaq.

*AQQUT, Qinggorneq, ajornartoormi pinasuartumik ikiorsiissutaangilaq*, aamma imaaliortangilaq: Ajornartoortoqartillugu oqaloqatiginnineq (eqimattanut ataasiakkaanulluunniit), eqqissisitsiniaaneq pisimasulluunniit kingorna eqqartuineq.

Taamaattumik ilinniarfeqarfimmi pinasuartumik ajornartoortoqartillugu ajunaarnersuaqartilluguluunniit (ass. ikuallattoqarpat, nakuusertoqarpat, imminoriaraluortoqarpat/toqutseriartoqarpat assigisaanilluunniit pisoqarpat) Qinggorneq katsorsaasartuvullu attaveqarfigineqassanngillat.

Ilinniarfimmi tamatumunnga assingusumik pisoqassagaluarpat, ilinniarfiit pisortai kommunerisami ajornartoormii upalungaarsimasunut attaveqarnissaat kajumissaarutigissavarput.

Tassunga ilassutigalugu najukkami ajornartoortoqartillugu upalungaarsimanermut pilersaarusiornissamik ilinniarfeqarfiit tamaasa kajumissaarpavut, ajornartoormerup qanoq iliuuseqarfigineqarnissaanik erseqqissunik malittarisassalimmik, tamatumunnga oqartussaasunut attuumassuteqartunut suleqatiginninnermik isumaqatigiissutit ilanngullugit.

(Qinggorneq upalungaarsimanermut pilersaarutinut ilaasinnaangilaq)

Ilinniartut pinasuartumik ikiorneqarnissaminnik pisariaqartitsilersut ukununnga saaffiginninnissaat kajumissaarutigaaarpavut:

**Tusaannga** - Meeqqanut, inuusuttunut inersimasunullu oqarasuaatikkut, sms-ikkut chatikkulluunniit ulloq unnuarlu siunnersuisarfiuvoq. **Telefon: 80 11 80** imaluunniit **SMS: 18 99**.

**Napparsimmavik**, aamma ulloq unnuarlu saaffigineqarsinnaasoq.

